

四庫全書

集部

欽定四庫全書

江湖小集卷八十五

宋 陳起 編

樂雷發雪磯叢稿

律詩

寄雪蓬姚使君

湘鱗六六寄相思  
疎柳新蟬想別時  
今夜各聽三楚鴈  
秋風又老一年詩  
梅花且補離騷闕  
蕙苾應為史筆知

剪竹疑峯新製笛  
待衝霜月訪桓伊

使君時  
寓衡陽

謁山齋先生易尚書

淳熙人物到嘉熙聽說山齋亦白髭文字盡傳融水後  
精神如戰辟雍時靈椿終不爭朝菌著草惟堪養壽龜  
細嚼梅花看總義只應姬老是相知

送桂師鍾尚書赴台

老依牙纛然吟髭又折梅花話別思五嶺不遮鸞鳳詔  
四方俱誦鱗魴詩人才晉魏凋零後國事江淮倥偬時  
賴有老臣經濟在快呼桂醕餞篙師

題鍾尚書北征詩稿

野雉江鷗滿故都  
秋風禾黍撚  
吟鬚六千里外驅旃旆  
五十篇中見版圖  
金鉉尚期扶日御  
玉衡終合正天衢  
書生亦有中原志  
那得君王丈二戈

呈廣西張提刑

陸續城邊按部歸  
梅花隨處撲征騑  
溪山有助吟題遍  
獄市無冤訟牒稀  
竹屋聽猿眠碎月  
莎庭引鶴步斜暉  
莫嫌瘴霧侵湘客  
滿路風霜冷裊衣

罪言

愁殺瀟濱蟻虱臣  
亂山斜照獨含情  
人材不似深衣古  
國勢如何楮幣輕  
石燕未蘇湘國旱  
木牛那濟蜀州兵  
幸無杜老流離苦  
切莫吟詩到北征

閒居自遣

雨積桑樞長昔邪  
誰能載酒訪楊家  
漢庭用少臣今老  
魯俗皆冠我獨髻  
憂國苦無蠲忿草  
看書喜對決明花  
衰頹懶作江湖夢  
擬斲三椽養鬢華

又

許由溪上小屠蘇紅樹蒼山對一臞白髮功名惟劍在  
青燈活計併誰言荆楚多奇士却笑乾坤一腐儒  
桐帽貂冠俱有分寄言兒輩莫揶揄

寄樓居朱漕

住近江心古寺邊幅巾應伴浙僧閒官銜自管金陵觀  
冠業多依鴈蕩山出處要留青史看功名且逐白雲還  
殷勤為祝樓居月好照橫舟漱碧灣

呈姚雪篷使君

祝融應自勝崆峒且讀通書辨聖功事可語人甘受謗  
詩能名世不嫌窮春邊採藥收湘芷月下調弦送楚鴻  
賴有行人碑尚在棠陰依舊戀東風

雪篷見示送趙東巖巡部詩

皇華歌徹酒杯忙澤畔騷翁送范滂琴帶衡雲弦索潤  
馬食湘菹轡絲香山中狸豹隨吟旆部內豺狼入按章  
却笑詩寒吟骨聳愁看誦唱挾風霜

書蕭千岳集

向來楊陸共崢嶸吟到停雲趣轉精古似洞庭張雅樂  
嚴如即墨歛殘兵茵陳終不肥方朔菜苜何堪病冉耕  
細讀殘編搔白首未應造物忌詩名

滕王閣下賦

越舸蜀艇亂相俛風飽千帆帶雨開閣上鳴鸞今已往  
江頭飛鷺只堪哀柳汀絮滿河豚賤桃塢花殘石首來  
應接溪山吾不暇自憐白髮欠詩材



宿金灘

瀧吏崖翁是賞音  
江流泯泯對秋吟  
天蝦撲火帆檣晚  
水狗捎魚島嶼深  
千里庭闈雲滿眼  
十年湖海鴈驚心  
今宵客枕清如水  
稱讀西山夜氣箴

寄許介之

惹得詩名徧九州  
酒徒基伴半公侯  
離騷甘隱魚鱗屋  
樂府多傳鶴鵲樓  
醉葉幾窠藏菊徑  
蠹荷三畝護漁舟  
中原應有樓蘭國  
空鎖吳鉤到白頭

聞邊報寄姚雪篷

淮烽蜀燧照邊隅，白髮憂時我腐儒。  
楚客汀洲塞杜若，齊王沮澤索茈葫。  
耽吟自愛南游好，久謫曾謀北事無。  
擬對祝融捫蝨話，何時重將使君鬚。

寄戴石屏

曾到元郎吟處吟，雪篷烟艇欠相尋。  
鳳鳴道國空詩句，鴈到衡峯只信音。  
拾橡祠邊寒聽雨，紉蘭院裡夜分衾。  
塞驢倘遂黃花約，鴉背敲烟共掘參。

時石屏訪雪  
篷於衡陽

戊戌冬僕客桂林雪中趙叔愚司理書張司業  
逢賈島絕句為寄今冬對雪感而有作

朔風柱水浸瓊沙曾共騷翁理釣槎對酒又吟端木葉  
論詩還憶款冬花饑能驅我瓶儲罄老不饒人鏡影華  
擬喚扁舟尋剡叟嶺梅瀟菊各天涯

寄仙巢先生鍾尚書

吹香亭上送飛鴻且把行藏寄蜀桐老境只須尋遠志  
世途還要避沙虫公於天地初何憾道在丘園固未窮

曾是轅門投卷客，應憐聽雪卧隆窮。

寄蕭太山兄弟

梅花好處共心期，曾擷天葩寄夢思。兄弟自為千古計，  
江湖方誦二蕭詩。貪泉定喜逢廉吏，倭國何應拜老師。

蕭頴士事

賸擬尋君攀桂樹，路遙誰肯借驢騎。

蕭君見子有梅花且補離

騷闕之句為之擊節，雖未相識，蒙書二十首為寄，故首句及之。

送丁少卿自桂帥移鎮西蜀

瓊海收兵玉帳閑，又移齋艦泝涪灣。三邊形勢全憑蜀。

合  
卷八十五  
四路封疆半是山，魏將舊聞侵劔閣。  
漢兵今欲卷函關。  
時會有三京之役  
細傾瑞露論西事，想在元戎指畫間。

訾家洲

竹塢松灣遍履痕，斷碑無首野苔昏。  
江山應識前賢事，裴柳今存幾世孫。  
島霧海霞留古意，春猿秋鶴冷騷魂。  
何人會得登臨意，閑嚼梅花伴酒樽。

慈氏閣

崢嶸梵閣礙銀潢，且對畦衣問馬王。  
落日斷霞連楚粵，

缺鍾壞像雜梁唐英豪已往雄圖歇棟宇猶存古意荒  
惆悵石湖題柱在倚欄無句獨淒涼

雉山寺宋永初中有僧名西顛誦法華經於此  
白雉聽之而化至唐黃梅五祖弟子喜登告祖  
乞巡禮五祖應以遇雉即止後至此開山本朝  
王初寮有留題

蘇碑蘿石擁岳扃獨倚筇枝問大乘白雉苦無千歲種  
青山空識六朝僧詩傳北岳刊新帖禪接西淮冷舊燈

擬鑿冰泓澆凍硯禊亭閒借法華謄

擬遊長沙至零陵忽動歸興

擬尋禹栢過長沙且泊愚溪問酒家歲早可能飛石燕  
秋高還看落天蝦乾坤納納催霜鬢岐路悠悠又菊花  
惆悵草黃騏驎病歸心依舊遶烟霞

袁家渴泊舟

往事誰能問水濱停撓仍是薄西曛樵漁空自存袁姓  
鳧鴈何應識柳文釣艇分燈歸客艇嶺雲拖雨接溪雲

梗楠蘭芷今何在空使行人誤舊聞

小儀袁家窰竹居買酒

江遶衡門接旅津鯉魚風歇水粼粼湘醜三盞澆吟思  
瀟碧千竿對老身題壁未能行客醉典琴不用主人貧  
隔江誰掉高名麗滿載鷓鴣捉錦鱗

餞雲壑唐使君赴邕州

篋篋竹畔擁雙旌回首江離隔楚汀曾向前賢參學問  
且教遠俗識儀型安南兵息塞烽冷羅殿馬來蠻草青



悵望鈴齋何處是遙瞻朱雀認詩星

歸侍

石田茅屋野苔春喜對庭闈話苦辛客路本無如意事  
瘴鄉難有却回身且尋農耒耕湘雨待看天戈洗塞塵  
門外黃旗邊餉急可堪杯酒各傷神

寄吳茂遠

蘇公堤畔繫吟驢知在垂楊第幾株學校文章如畫餅  
朝廷官爵似呼盧春吟應欠梅花在時事曾言楮幣無

惆悵湘湄分袂處  
今看細雨長蘼蕪

送史主簿之鄂就辟

囊中秋卷逼唐賢  
門外侯芭問太玄  
才大豈堪棲枳棘  
官清應只友蘭荃  
湘行又泛君山月  
淮績曾衝赤壁烟  
擬借從君新句看  
試尋黃帽寄網船

又

宦途捷徑在三邊  
且駐吟船贈馬鞭  
壯士苦無橫草志  
將軍還用撒花錢  
北兵猶未回燕鴨  
蜀耗何應問杜鵑

今日送君無別話看隨卻殺洗狼烟

送邵瓜坡試湖南漕舉

槐花匝路促湘行閩賦唐詩舊擅聲有志向曾言國事  
論心何止在科名畢方夜煽杭都火大角秋纏蜀道兵  
莫作腐儒場屋話琅玕滿腹正須呈

送李公浴遊臨武

嶺梅瀟菊兩關情歲晚江湖載酒行客路欲依嚴挺子  
瘴鄉已老少游兄瓦盆且話田家事肉食誰通鈍漢名

惆悵韓張亭畔路雪鞭風帽又東征

贈江華熊伯巖

堂萱營柳伴吟哦黃綬仙翁鬢未皤對客不矜名第貴  
論心惟在簡編多江頭魴鯉香晨膳境內鷓臯冷夜窠  
湘國詩盟今寂寞衰顏猶喜識陰何

謂陰鏗何遜也

江華送熊清父遊廣州時予有衡陽之役

邂逅陽華且酒壺海鵬衡鴈各征途閑身俱被饑寒役  
老境還堪離別無鄉夢定應思款段客吟何用說媿隅

曾從仙叟叅玄訣好訪安期採澗蒲


喜李景魏就熊巖伯縣尉招

長歌白石草廬深今抱園絲就賞音  
溫飽不為兒輩計行藏端見古人心  
鱸魚堂上春開帳鷓鴣灘前夜對衾  
擬掛奚囊梅下聽謫仙應共隱仙吟

送友人之辰州覲省

路鶯巢畔瘴雲低山徑如梯去馬遲  
正則自吟皇樹頌廣微惟誦白華詩  
春風採藥桃花國落日尋碑蕙苾祠

覓得丹砂能寄否  
溪亭送客鬢毛衰



江湖小集卷八十五

欽定四庫全書

集部

江湖小集卷八十六至九

詳校官中書臣張姚成

助教臣常循覆勘

覆校官主事臣龔敬身

校對官助教臣胡予襄

謄錄貢生臣李 樞

謄錄監生臣謝承蔭



欽定四庫全書

江湖小集卷八十六

宋 陳起 編

樂雷發雪磯叢稿

律詩

謁李梅亭

力拔鯨牙氣貫虹  
玉堂歸只守文窮  
世無真魏扶吾道  
人以乾淳望此翁  
大地精靈藏筆下  
國家命脉寄山中  
縕袍羸駟崇仁路  
正擬登門聽擊蒙

代送徐侍郎赴召

大厦誰堪任棟梁  
試留齋艦問行藏  
朝廷議論如春雨  
吳蜀人材似夕陽  
三漸何曾投砭劑  
五寒今望起膏肓  
擬看相業磨崖在  
却到浯溪話別觴

聽友人談蜀道事

石棧天梯蕩戰塵  
誰驅哨馬滿峨岷  
盡看烏犬為君子  
元次山  
世化篇誰問沙蟲化  
小人敵國豈真饒  
鄧艾蜀材正自  
欠吳璘細吟猛虎  
長蛇句空對西風  
淚滿巾

送廣州劉叔治倅欽州兼守事

天涯亭畔擁提屏  
丹荔黃蕉滿去程  
皂蓋却迎新別駕  
碧幢應憶老先生  
象蹄印雨歸蠻國  
鯨鬣掀潮撼海城

曾是鄉賢分守處  
試尋醉石共題名

余靖韶州人曾守欽

逢熊季可

暮雲春樹飽相思  
今共秋風捋白髭  
北闕未知鸚鵡賦  
南洲空誦鷓鴣詩  
旗亭尚喜髡能飲  
客路誰知朔獨饑  
賴有湘翁生計在  
且吟九辯擷江蘼

送李煥雲赴恭城主簿

恭城山水接三湘，應覺他鄉似故鄉。  
官况不妨棲枳棘，客程還見食檳榔。  
寒暄未定宜加愛，事業無窮要自強。  
千古忠魂如可問，試吟雛井漱吟腸。

寄季伯輝

石樓峰下寄吟身，靜掩桑樞琢楚珍。  
蘋草青莎招隱士，暮雲春樹憶詩人。  
門無車馬多嫵僻，家有圖書不似貧。  
擬借大鵬揩老眼，何時樽酒得相親。

舜祠送桂林友人

堯山分首舜山逢呼酒旗亭兩鬢蓬  
客思且須論契濶詩交應不計窮  
通兒曹富貴秋烟外前輩風流落葉中  
明日吟船又何處渡江衣冷荻秋風

送董炎震歸攸縣

千菊溪頭話別情君行我住兩伶俜  
山中有酒招元亮石上無禾養百齡  
狼尾屋低苔漠漠龍鬚菜長水泠泠

攸縣有龍鬚菜

故鄉語燕應堪聽莫放扁舟過洞庭

贈衡山侯霖

家住衡山茗塢深，軒轅道士是知音。  
宸尊酒好聊同醉，石鼎詩難莫浪吟。  
雨外虺隤寒食路，花邊格磔故鄉心。  
却懷世上揚雄少，腸斷侯芭何處尋。

送駱起謁襄帥廣西憲

知君無地種江蘼，看了衡山看九疑。  
客路不堪還話別，侯門何處可題詩。  
吟青羅帶行離岸，唱白銅鞮過習池。  
呼酒試澆征馬足，繡臺油幕有相知。

題豫章宋德父游湘詩卷

醉呼仙叟共浮湘，捆載風烟滿錦囊。  
名是浦雲山雨起，詩連沅芷澧蘭香。  
好吟秋月招元結，莫賦朝雲惱楚襄。  
英巨老仙今寂寞，行人還解識珩璜。

德父到春陵即  
有詩弔曾景建

常寧道中懷許介之

雨過池塘路未乾，人家桑柘帶春寒。  
野巫豎石為神像，稚子搓泥作藥丸。  
柳下兩姝爭餉路，花邊一犬吠征鞍。  
行吟不得東溪聽，借硯村廬自寫看。

題許介之譽文堂

端平丙申桂林伯尚書鍾公以遺逸薦東溪先生許侯於朝越明年得旨補初品官衡州戶掾其誥詞於始則有夙有譽處且嫻文辭之褒於終則有其以行義教于鄉里之勉州里人士莫不榮之又明年許侯乃於東溪之濱初堂五間以為講道著書之地仍摘天語譽文二字以張其名敬上賜也堂成山齋先



生為之記者詳矣當世之名卿才大夫又為  
之賦詠者衆矣顧僕晚生小子何足言詩辱  
徵俚作不敢固以陋辭敬書二首以記盛事  
併敘聖天子始終褒勉之意庶得附姓名於  
不朽云

曾佐元戎洗綠林兄翁何止擅詩聲久辭驃騎尋瓢飲  
誰引鳴騶聒耦耕厚禮正羅溫處士浮名還汙祖先生  
衡茅那識絲綸美尚擬升堂結社盟

又

姜夔劉過竟何為空向江湖老布衣造物忌名從古有  
詩人得位似君稀聖朝自要求參朮吾道何應賤蕨薇  
晚節黃花須愛護且教湘士挹芳菲

濂溪書院弔曾景建

太極樓頭霽月寒斷絃綠綺不堪彈牕前自長濂溪草  
澤畔還枯正則蘭蒼野騷魂惟我弔烏臺詩案倩誰刊  
傷心空有金陵集留與江湖洒淚看

許介之以丞相周益公所書古樂府四篇見寄  
敬題其後

紙上珊瑚間木難曾敲黃閣却吟鞍賞音今有平園否  
得句堪尋岫嶠刊鸚鵡夜棲金屋冷的盧秋戰玉關寒  
春風歸鴈那知已寄與深宮絕塞看

讀繫年錄紹興八年以後事

婁敬金繒滿去輒便看雷雨潤遐陬諸賢自抗排雲議  
宰相方深偃月謀湘國乍聞悲鵬鳥秣陵還聽唱符鳩

九原晏老今知否搔首青編恨未休

櫟欄吳大帝廟

赤壁濡須事已虛且依櫟欄酌芳壺九原尚擬吞銅雀  
千載今惟記赤烏湘浦有人修舊祀荊州無地展雄圖  
定知斫案英靈在開對祠前洗湛盧

昭陵渡馬伏波廟

功名要結後人知馬革何妨死裹屍漢帝可能疑薏苡  
湘民却解薦江離紙錢撩亂巫分胙粉壁闌班客寫詩

墮水跼鳶無處問灘頭斜照曬鷓鴣

訪蕭太山父子

仙桂靈椿各典刑飄飄姿韻激天鯨家傳八葉鹽梅種  
詩接三蘇父子名四海盡將看縣譜一堂那許與文盟  
塵埃不敢相親炙且汲渝溪濯客纓

謁張兵部時守臨江新除湖南倉

東皇太一待新詩共喜新槎沂楚涯父老盡將看鸞鷲  
使臣應不問狐狸江頭芳杜催行色境內甘棠有去思

細讀詔書搔短髮  
辦香那識帝王師

蘇瑩中先往新淦過新喻訪之  
不過賦詩為寄  
玉筍山前水拍空  
知君何處繫吟筵  
敢輕竒士題凡鳥  
謾有憂心詠阜螽  
沅芷澧蘭猶可寄  
江雲渭樹苦難同  
門前草木皆詩卷  
獨倚簷簷嘯曉風

送蕭太山赴新興令

翡翠芙蓉去路荒  
許渾詩裡認封疆  
昔聞古佛傳宗印  
今得吟仙綰縣章  
魚婢蟹奴供俎豆  
馬人龍戶雜耕桑

澹翁應解知心事試汲寒泉薦瓣香

訪菊花山人沈莊可

網盡珊瑚採盡珠只餐秋菊養詩臞永嘉同社聲名在  
乾道遺民行輩孤我恨朱門無食客君言青史有窮儒  
饑寒正用昌吾道且對鈴岡共撚鬚

懷二蕭

未曾相見已相知楚粵江山棣萼詩每恨乾坤催我老  
却於湖海識君遲機雲才藻今無幾管鮑襟期說向誰

靡靡亂山嘶瘦馬碧雲日暮正相思

踈拙

越冠齊瑟事皆非踈拙唯甘與世違  
客路鶯花愁裏看故山烟雨夢中歸  
采薇有備淮南靜移粟無謀浙右饑  
納納乾坤須俊傑湘翁祇合製荷衣

陳東甫酒間舉作歸心只有杜鵑知之句猶未  
成篇因為續之

歸心只有杜鵑知且倚裴亭共撚髭  
客路秋風吹杜若



故園春雨老辛夷

陳君撫  
州人

家貧未辦閑居賦  
世濁空吟

感寓詩邂逅江湖還別去  
岸花檣燕兩堪悲

贈別陳東甫呈尚書鍾公

洞庭濯足共題詩  
今聽驪駒話別離  
泣玉可能悲卞子  
買金只合鑄鍾期  
荷盤剪綠須棲鷺  
鷺頂分絲補接離  
斗酒羸肩聊自壯  
古來騷客例寒饑

登潭州懷雪篷姚史君

賈井裴亭遍短筇  
紅塵歸騎又匆匆  
我尋桂樹吟招隱

君對蓮花誦易通今日江山勞別夢他年燈火課新功  
漁溪最念初平老恨聽連牀話未終

下攝市

吟到湘潭一葉黃賈胡踪跡正悲涼抱琴沽酒異鄉客  
打鼓發船何郡郎楚女越商相雜沓淮鹽浙楮自低昂  
塵埃市井無人識濯足江頭望八荒

雲峰寺

擬尋峻嶮看蟠螭且解青鞋濯禹溪弔古猶疑九枝栢

談禪且問一莖齧虎抓崖樹供僧爨猿摸廊碑認客題  
應接溪山無好句滿林空羨亂蟬嘶

到衡岳呈弟山長

閒依禹栢繫征驄猿鳥應猶怪賤蹤正擬開雲訪韓愈  
可能避雨識茅容朱陵洞裏秋呼鶴紫蓋峰前曉聽鐘  
欲踏青霞尋勝趣倦遊應許借吟筇

許介之館僕於東溪臨發贈別

洗耳泉頭漱晚涼西風衣袂水花香酒邊豪氣橫荆楚

燈下清談雜晉唐天地每窮真俊傑山林偏有好文章  
試拈茹草同君舞後夜聞鷄月滿床

下第歸後李伯輝李景魏索近詩

吟遍吳頭楚尾春多慙才客問征塵振衣天目尋黃獨  
濯足湘江詠白蘋宋五已慚稱進士陳三何用作詩人  
錦囊元屬君家有今買漁經理釣綸

題李湛漢詩集後

楚砧岷葛飽清遊金節銀菟照幾州詩句多如姚少監

行程還似杜叅謀黃陵夜誦虞妃泣白帝春吟杜宇愁  
擬問湛溪何處是夢隨閩國弄漁舟

贈李伯輝家譜詩

盜寇將軍後唐朝李卻家綠華雙薦者况復古今誇

江湖小集卷八十六

欽定四庫全書

江湖小集卷八十七

宋 陳起 編

樂雷發雪磯叢稿

七言絕句

詠史六首

高祖

逝騅走鹿各消磨  
劔外功臣剩幾多  
四皓兩生元不聽  
故鄉枉費大風歌

陳勝吳廣

假號偷名只可憐  
枉拋錢鏹弄戈鋌  
隴頭燕雀應相笑  
鴻鵠元來是項燕

韓信

愁看鍾室劈良弓  
何不當時殺蒯通  
今日真王成底事  
只應娥姁是英雄

東方朔

蜥蜴盆邊解滑稽  
且分社肉飽蛾眉  
劉郎最怕秋風冷



那聽君言撤殿帷

司馬相如

狗監無端薦薄情  
鸚裘犢鼻帝鄉塵  
當時最有文君恨  
不識長門買賦人

班固

請室冤魂叫不聞  
神丘隆碣謾遺文  
平生詞藻誰知已  
腐鼠孤雛却誤君

汴堤柳

萬縷春風宰汴堤錦颿何處柳空垂流鶯應有兒孫在  
問著隋朝總不知

讀李羣玉集

光順門前繫馬吟弘文館裡翠雲春却憐白首河西尉  
枉作蓬萊獻賦人

又

捐玦江頭弄釣舟蘭花杜若滿芳洲如何才子無騷思  
只詠薔薇與石榴

與復古叔讀橫渠正蒙書

惆悵枯株與晬盤  
雲橫太白夢魂寒  
半生驕吝如蝸縮  
自把西銘反復看

又

誰掘驪山起老師  
竹林燈火共心期  
年來後學輕前輩  
看徹臯比罷講時

題楊從行湘詩卷楊即誠齋

仙雲寒鎖碧瑤天  
突兀吟壇北斗邊  
試問鳳凰誰得髓

竹林聽雪對床眠

又

叫雲吹玉舜祠邊醉嚼瓊糜漱石泉  
舊讀離騷今忘却  
快披秋卷嗅蘭荃

次韻熊雲瀑秋夜見寄

吟落秋牕燭炮紅想彈丸辯入絲桐荃  
蘅豈不如葵菽  
誰繼幽風補楚風

無題

大裘褒衣走浙淮何人不識鶴山來只今心印誰傳得  
自摺通書撥篆灰

撫州偶題

金柅亭邊柳拂城春風繫馬酒家吟塵埃滿面無人識  
却得黃鸝作賞音

萍鄉病渴

犬子無從典驢驢荒邨忍渴望瀟湘楚王萍實甜如蜜  
不許詩人取次嘗

甲午社日客桂林

卮酒豚蹄客裡歡  
石尤風緊柁衣單  
東陽病骨如鸚鵡  
最怯南州社日寒

桂林歲晚憶鍾尚書

塵滿湘翁薜荔衣  
江湖歲鬢晚成絲  
桂州楊五今何處  
雪片梅花枉費詩

醉中偶成

醉敲茶臼嘯秋烟  
苦欠高陽買酒錢  
擬入亂山滄栢葉

石床閑對麝香眠

送友人游昭州呈陳謙之僉判

閨仙去補荔支譜梅谷歸呈飛鷺秋惟有瓜坡共君在  
馬蹄何苦又昭州

又

道鄉牽損袞龍衣  
謫墮天涯詠楚辭  
莫放蹇驢遊別處  
拾青閣下有殘碑

又

鵬運堂前話別愁  
落牆三度楚江秋  
近懷莫向元龍道  
問舍求田是韓頭

夏日偶書

螺贏啣蟲入破牕  
枕書一垛竹方牀  
家童偶見草頭字  
誤認離騷是藥方

秋日行邨路

兒童籬落帶斜陽  
豆莢薑芽社內香  
一路稻花誰是主  
紅蜻蜓伴綠螳螂



新塗偶成

飛飛綠鳳掛梅梢  
猶記來時雪擁袍  
今且歸舟新塗路  
擔頭稚子賣櫻桃

贈吳季詩

燕子樓頭一曲春  
曾騎驕馬擲黃金  
如今世事漫頭雪  
破屋孤燈忍凍吟

演教寺弔樓居朱漕

羅帶江頭蛻繡衣  
人歸香草謝家池  
祇今玉樹埋何處

惆悵僧房認得詩

又

穿塚難酌地下知逢人多說項斯詩  
今朝痛灑西川淚  
萬里梅花欲放時

延真道院

滄流翠竹接仙扃  
霧菜丹虬拱上真  
擬就玄翁分半榻  
閑聽秋雨守庚申

訪趙愚齋不遇謁者云入幕抵晚方歸因成一

絕奉寄

雪片梅花滿硯池芙蓉幕裏客歸遲今朝解了公家事

儘聽轅門報酉時

愚齋舊有詩云無曹度日  
真堪愧又聽轅門報酉時

史主簿以授菴習稿見示敬題其後併寄張宗

瑞

姜夔荒塚白蘋深鷺鷥無聲結綠沉擬向鄱陽尋後杜  
只招張宴聽君吟

又

吟了南樓到庫樓塞雲邊月困雕鏤只今南北無詩禁  
曾有新編過境不

術士醴陵丁夢營將之春陵有贈

看盡槐花買卜人竈尊且認舊碑文只今世上無清惠  
却恐元郎解闕君

又

淶水池邊舊釣磯何時歸去濯征衣千年城郭應無恙  
祇怕風塵老令威

送歐陽平仲起鬱林教官

快把詩書洗瘴茆  
雕題墨齒盡同胞  
天涯那得隨衿佩  
試借叔堂講義抄

又

古來節婦比忠臣  
悵悵明珠一窖塵  
千古綱常君記取  
題詩煩問墜樓人

萍鄉和王堯章韻

征衲無人補舊綿  
蕭條客枕楚萍邊  
撥殘石炭西牕冷

知憶山家楮拙烟

趙司法詩集自題近道蓋取工部所貽元隱詩

詩中語也

闕

道書二絕

和遍陶翁飲酒詩醉籠天地入鳩夷細看官爵成何物  
肯帶奚囊過九疑

又

浣花騷伯杳難闕  
世上寧無元隱居  
讀罷君詩三歎息

斷絃綠綺定何如

聽廬山胡道士彈離騷

廬山道士菊潭仙  
前世滄浪握楚荃  
莫道離騷遺響絕  
孤鈎寡珥尚能傳

又

弔湘誰解薦江離  
忠憤泠泠寫七絲  
愁絕九疑山下聽  
重華應許就陳詞

題王堯章佇香亭

滿池蜀錦照深衣  
盡日憑欄課楚詞  
要識此花香絕處  
露涼風細雨晴時

又

對花味道興何長  
好學顏家到坐忘  
莫與紅塵兒輩道  
心清正自得真香

又

故園荷屋傍漁溪  
若愛蓮花入夢思  
今日題詩還自笑  
江湖塵土鬢成絲



題昭州田廷亮書稿後

檳榔口裏吐參苓  
折檻無門九虎深  
家在道鄉亭畔住  
定應千古有知音

又

少海無波鶴禁虛  
滿朝閉口養曹蜍  
白袍烏帽和寧外  
却有山人請建儲

次韻熊雲瀑秋夜見寄

叫徹蒼梧望八荒  
暮雲秋客各淒涼  
此情未許傍人會

愁絕中庭月一方

江湖小集卷八十七

欽定四庫全書

江湖小集卷八十八

宋 陳起 編

樂雷發雪磯叢稿

五言律詩

訪伯父幽居

對坐如禪舍  
閑燒石乳香  
書看新講義  
藥問未傳方  
僕語梅花裡  
僧經竹葉傍  
題詩吾豈敢  
牕戶半吟章

桂林懷李景魏

陽華萬疊雲無計得相尋所學皆時好何人知爾心  
莎城百粵遠雪嶠一翁吟已是懷人極天寒奈水深

桂林送人之瓊州招捕海寇

訾家洲畔路別爾苦匆匆說戰令人喜耽吟與我同  
旌旗楓鬼雨舟楫鸞旛風想到瓊峰頂題詩更記功

與李盤翁知縣登七星山弔石道士

疊嶂巖空青耽竒共一尋苔荒碑意古茗苦道情深  
有興梯蒼壁無才詠玉簪吟仙何處去我輩復登臨

次韻史主簿雨夜見寄

水長許由溪春寒入竹扉  
幾人聽夜雨惟我怯單衣  
樹罅青燈耿籬根白菌肥  
明朝有忙事推枕問漁磯

道中逢老儒由蜀出

丙穴魚應好曾經問釣磯  
干戈今未定城郭是耶非  
詩社尊黃髮侯門薄布衣  
乾坤豺虎滿見爾一歔歔

時事

時事如顏屋誰堪任棟梁  
國貧僧牒賤邊病檄書忙  
有

分憂宗社無才出舉場未應王謝輩揮淚送斜陽

逃戶

租帖名猶在何人納稅錢燒侵無主墓地占沒官田邊  
國干戈滿蠻州瘴癘偏不知携老稚何處就豐年

登江華寒亭

到此脚跟酸千峰迥不看年深碑字淺日薄樹陰寒石  
罅巢蜂乳籬根墮鳥殘愛吟還畏嶮不敢倚欄杆

訪表叔李竹齋

門庭接豆根吟避市塵喧每愛詩無敵應知學有源雲  
山供俎豆筆硯長兒孫愧我相過數秋風酒一樽

擬長沙訪姚雪篷至永返賦此為寄

今傍南軒住應知理趣精通書多似易論語不言誠擬  
欲聽微論猶能慰別情江湖風浪隔腸斷楚鴻聲

雨夜讀陸放翁集

爐冷童吹火山房夜黯然濕薪添爇熱苦茗帶苔煎燈  
暗瀟江雨詩吟笠澤烟老仙何處去搔首弔塵編

送黃天河

天河那可到山頂翠參差  
村屋煎黃蠟官爐照荔枝  
地蠻遊宦少縣小迂賓遲  
鼻祖曾吟處荒苔想滿碑

呈趙叔愚司理

閉戶垂楊句江湖半世看不應  
求五嶺却自建孤壇浙  
社朋遊盡唐詩氣味寒  
今朝流水調只向子期彈

夢訪劉漫塘曾雪巢二先生

前輩風流歇江湖欠賞音  
向期行古道誰解識余心  
月



浸金壇冷雲歸玉筍深瀟湘風雨夜客夢得相尋

青湘逢廷對人歸因問時事

南客帝鄉歸青袍照綠髭問知當世事解誦聖君詩淮  
蜀軍書急湘樊邸報遲空傳廷試策韋布說邊陲

南林寺

律院僧應俗庭荒草木刪無碑堪攷古有客自看山竹  
好惟嫌密雲多不自閑小溪知最近童浴夜方還

象石銘

有序

九疑之麓為麗山有巖崩道厥石如象予遊而愛之遂  
命之名而銘曰

百獸出王象實孔偉有崩斯石惟象是似鼎履其形巉  
峒其齒我愛斯巖原象之美鍾竒日南邈爾荒裔服兮  
帝車維天子使相彼岳阿濟濟多士遺教篤學峻屨實  
地任重致遠伊國之器地以人彰敢銘巖趾

江湖小集卷八十八

欽定四庫全書

江湖小集卷八十九

宋 陳起 編

張蘊斗野藁支卷

雲間

勸倚柁樓聞鶴唳半生此地一經過  
機雲故月荒涼宅  
湖海新秋浩蕩波  
曉艇紅蓮商客市  
夜牕白苧女兒歌  
吟邊冷被沙鷗笑  
衣化京塵鬢亦皤

江湖偉觀

隄柳朝朝送酒船一闌山色越帆煙蓬萊雲氣東溟外  
閭闔星辰北斗前突兀向來無此屋登臨當日有諸賢  
夕陽過雁慵回首吟入關河萬里天

鳳鶴鵲三題與江社同賦

一去朝陽寂不聞西康臺北起寒雲梧花竹實年年事  
柰此喧啾百鳥羣

立雪精神兩瘦蘆天風入羽思江湖逋仙梅下曾相識  
千載歸來一語無

月樹爭枝影共寒  
植植飛過屋頭山  
五陵年少多春悶  
一彈千金落等閒

顧逕

海水還清淺  
停杯問二豪  
雨來江色暝  
沙長岸容高  
吏鞅何能脫  
王程敢憚勞  
秋風柁樓底  
短髮不禁搔

錢氏東臯

百年鐘鼓園林在  
人物蕭疎更海鄉  
藤絡湖嵌山解長  
花移鄴本土猶香  
棋聲靜畫松陰淡  
扇影閒秋水氣長

莫道官忙行樂少也分物色到奚囊

上海

夢斷三更鶴蘆邊繫短篷聽潮看海月坐石受天風物  
至秋而化年來我亦翁長歌相勞事猶喜此樽同

新晴

林影熹微曉乍晴老於世故獨關情連烽未撤邊頭戍  
積潦猶妨隴上耕幾為餉蠶憂濕葉重因漂麥困飢氓  
龍公多事多勞耳萬理由來要得平

錄錄

錄錄竟何為  
衣塵日以緇  
故人閒入夢  
久雨頗妨脾  
燕履登巢息  
蜂程載蜜虧  
獨斟蓮子酒  
愁絕杏花詩

除夕

京國逢除夕  
栖遲鬢欲霜  
春聲生竹爆  
歲色動椒香  
戒睡聽雞早  
占詩探蠶忙  
燭花頻送喜  
兒女笑烘堂

禱雪天竺由靈鷲過冷泉

降香天竺去  
淪茗冷泉來  
新徑石間過  
危亭木杪開  
烟

山晴若畫霜葉濕如灰點檢經行處今年未見梅

祀事

誤被雞催起偷聽漏鼓稀書檠風展卷香盞火生衣困  
嗅茶猶病吟殮菊可肥月明天路靚親到帝旁歸

西湖清明

芳天新霽惠風和軟綠平隄凝不波桃李無言看客慣  
樓臺如畫占山多游裾匝路填車馬翠榜開筵鬪綺羅  
寂寂寒烟生水面白漚柰此月明何



酥

兼味醍醐外分身乳酪中江南鳴榔犢塞上寄飛鴻乾  
雨看如幻生鹽訝漸融臘殘猶有待煎取牡丹紅

食蠟次韻芸隱

相黏成什伯峰聳若山王

史南人呼明駝為山王

攻處須犀鐵持

來出蟹湯梅花霜後味竹色酒邊香坐憶遊閩樂今年  
始得嘗

次韻月中聞鶴

月明華表語霜清萬籟沉沉靜有聲一自別來瓊樹長  
幾回飛夢到魯城

孤影徘徊且月中流離滿貯酒如空東皇太乙應來下  
笑指梅花一信通

齋宮偶題

衆綠扶疎雨氣清柳花吹作小池萍文牕晝寂齋房邃  
三漱華池誦玉經

同寮約遊香林分韻得林字

約我當休沐同過支道林棋邊翻覆手酒外太平心石  
漱晴湍細猿吟夏木深歸帆帶疎雨涼意滿幽衿

春朝偶題

忙裏偷閒答物華一官隨分是生涯春風酒棹湖隄柳  
曉月吟鞦韆路花報喜忽聞枝上鵲忘機時下屋頭鴉  
殘年鈍悶今朝盡重對菱花拂帽紗

重游大滌洞天

澗水泠泠石髮新松花香靚翠崖深雲生不沒仙人跡

丹化猶啼搗藥禽洗眼人多求聖水醒心吾獨愛清音  
杖藜更欲過新洞無柰春空又作雲

東庵與道者語有感

瘦策松間日又斜更過南崦喫僧茶丹青嶺樹明寒葉  
水墨江天噪亂鴉付酒一杯真樂事讀書萬卷是愁涯  
更嘗世故知閒味河水依然鬢自華

朱柿

慈恩分種遠駢實渥如丹垂野華星大然雲火樹寒蟬

螯微有忌牲血訝難搏七節雖堪賞無勞把核鑽

喜李鶴田至次阮雲心韻兼寄

月樹秋來碧幾尋古薌熏徹紫芝吟無因得去陪清賞  
祇寄山君一寸心

澆酒逋梅又幾回愁吟舊雨獨登臺星星鶴語山牕曉  
割得雲心古錦來

九日

細看黃花把一枝東籬猶是昔人非題糕酒外豪心在

吹帽風前素髮稀  
雁叫霜天悲故國  
鴉翻溪樹背寒暉  
百年獨有閒居樂  
可怪東山事竟違

道場山

訪碑無古跡  
丹碧覆嵯峨  
塔向城中共  
山從寺右多  
疎松小溪路  
遠漣太湖  
波何錯  
書堂在猶嫌  
隔翠蘿

何山

山因人得  
姓人去  
佛來居  
隣有天  
章墓  
碑無玉  
局書  
幽溪  
通古  
郭荒  
澗入  
春  
畬  
客  
子  
吟  
鬚  
冷  
高  
峯  
夕  
照  
餘

月泉紀遊

小春霜寓曉閒訪古招提何歲齋魚廢初弦顧兔迷先  
民堂上像寓客柱間題僧戶蜂分小山形虎欠低松青  
江廟北竹老野橋西親汲聊煎茗深登信杖藜琴師年  
九十相見手重携

不寐

空牀展轉對孤檠寒漏年長更雨聲如此乾坤閒歲月  
明朝華髮滿頭生

寄鶴田

鶴向孤山去未歸  
片雲行雁與心期  
新詩不著工夫得  
雪外看花獨立時

至後

陽生七日驗飛葭  
袞袞天機歲載華  
江草未圓青帝夢  
香雲滿洩與梅花

雪川次韻鶴田

苔雪雉流合艫檣  
萬里通連山黃獨  
雪一雁白蘋風酒



戶春醅淺魚村晚市同舊遊蕉鹿外未老已成翁

歲晏用趙誼父訪雲心韻以寄

看春知幾度玄髮故應非世事真猶夢人生瘦勝肥竹  
邊隨意入梅下得詩歸緬想羊何友湖山樂所依

正月二日雪

雨送冬雷了如篔墮曉晴縈盈溪樹色騷殺紙牕聲着  
瓦消還易因風凍不成紛紛門外屐猶自賀元正

送晏桂山赴高沙郡

青衫赴闕已三遷紅旆臨州不五年舊吏僉榮從事府  
新民迎擁使君羈牡丹池館春融日莖葉汀洲水漲天  
自是邊籌談笑辦歸來仍侍玉皇前

接武容臺彼一時溪鄉重幸得追隨漚前心事滄浪影  
梅下吟情汗漫期感慨中年無近別徘徊明月有相思  
殷勤勸醉陽關曉受盡耶歛只自知

秋思

暑退涼生體氣佳捲簾聽雨感年華西風葉葉梧桐冷

開盡庭前白鶴花

溪上

今夕知何夕吾意亦良適  
明月滿船篷清風動帷席  
過雨前溪渾停雲半空白  
衰荷無嬌紅老梧有枯碧  
頻更燭對棋仍把酒澆石  
歲行變暄涼朋情慨離索  
相思日以長孤吟夜方寂  
露下客衣單草際螢光奕  
年年修玩心一醉不得惜

鶴田還江右

欲留雲共住雲去楚天長此日吾猶惜中年別易傷搜  
吟梅下影賭奕橘中香謹勿移山諾春風入帝鄉

歸雁亭

青雲影裏自由身幾倚闌干看不真又是江湖春雪盡  
年年腸斷玉關人

午日次韻池龍父

小泊蘋香柳下磯重逢佳節感年時東蒿偶作人形想  
采藥須供國手醫江鏡願為明主監楚菰愁賦逐臣詞

酒邊聽盡敲蓬雨數日淮南去未遲

垂虹

四岸俱無只有天煙檣如雨落漚前不知笠澤翁何許  
波上清風一萬年

憶著前遊十四年三高祠下夕陽船無錢買得鱸魚膾  
吟就橘花香裏眠

姑蘇臺

故址畊殘草樹秋無人曾見鹿來遊甬東亦是當時月

不照笙歌只照愁

虎丘

曼陀石上無根樹歷歷生公說法餘劔水一泓清徹底  
至今人說有龍居

惠山

石苔滑汰屋連斜第二泉邊古佛家一壑松風聽不了  
却留僧坐自煎茶

棟花

綠樹菲菲紫白香猶堪纏黍弔沉湘江南四月無風訊  
青草前頭蝶思狂

毘陵天慶觀龍

殿陰壁老懷仁筆頭角崢嶸春起蟄有時麾斥惠山雲  
行雨歸來半身濕

丹陽道中流寓人

累土編茅古制痺官田種秫得沽私自言身健無徭役  
猶勝平生江北時

京口運河上

荒荒永岸水如溝翁仲無言立上頭日日餽舟銜尾去  
東南民力尚支不

多景樓

暇日此登臨淒涼北望心戍烽孤障杳塔影一江深敵  
帥投鞭想將軍誓誓檝吟所嗟人事異天險古猶今

金山

江身臺殿切空雲夜月魚龍影不分八十老僧相引說



潮痕不上郭公墳

瓜州

如此江濤更有人  
佛狸竟死不能兵  
幅巾短櫂漚前夢  
未省當時有此城

維揚卽事

牛斗星邊禹貢州  
東南屏蔽大江流  
向來明月珠簾夢  
不信秋風夜柝愁

皂角林前野地寬  
新塘路口草泥乾  
天乎如此功名事

成敗觀人自昔難

茅屋蘆門半市坊居民無事亦軍裝  
愁來莫上城頭望  
西北浮雲接太陽

月明城上韻邊笳一枕三更夢到家  
不耐楚氛真僻性  
賦詩酌酒與瓊花

土霧如蒸暴暑天燭龍偏駐柳邊船  
三清觀裏風廊午  
滿意題詩借榻眠

平山堂弔古


隔江山色畫圖中故址荒來與廟通  
畫地雄天淮海水占星高直斗牛宮  
試評蜀味長泉變欲唱歐詞古柳空  
往事茫茫增感慨聊憑戍卒指西東

平山和韻鶴田

瓊花應自笑南翁白髮栖栖逐斷蓬  
兵後百年城郭是塵間多事古今同  
孤烟遠堠如常戍五月窮邊尚冷風  
可待鱸歸興盡長吟且復付杯中

道中觀庠水戲書

秧馬泥深繭犢閒燭龍顧影枯槁間尋常六月江南雨  
不比君王絮藏慳



江湖小集卷八十九

欽定四庫全書

集部

江湖小集卷九十四

九十四

詳校官中書臣張姚成

助教臣常循履勛

覆校官主事臣龔敬身

校對官助教臣胡子襄

謄錄監生臣謝承蔭

欽定四庫全書

江湖小集卷九十

宋 陳起 編

劉翰小山集

桂殿秋

壽于湖先生

青帝子碧蓮宮不駕雲車騎白龍瑤池路遠羽衣濕玉

珮泠泠明月中

雙玉節到神京碧盃仙露冷如冰一聲金磬千花發洞

口天風吹酒醒

翠屏曲

小亭簾幕垂陰陰梅香入枕春生屏西牕月落翠被冷  
鳥聲殘夢東風醒三年不喚清溪渡夢裏灑西春水路  
江頭女兒雙翠眉能唱劉郎芳草句

小宴

一曲歌雲勸玉觴歸來斜月恰侵牀小牕細嚼梅花蕊  
吐出新詩字字香

余久客都城秋風思歸作楚語和吳郎採菱叩

舫之音

秋風兮淒淒山中兮桂枝彈余冠兮塵墮芳草綠兮未  
歸家遙遙兮辭楚荆傷去國兮重登臨撫長劍兮增慨  
復鳴鋏兮成音採中州兮蘭芷望美人兮千里我所思  
兮天一方共明月兮隔秋水

種梅

淒涼池館欲栖鴉采筆無心賦落霞惆悵後庭風味薄  
自鋤明月種梅花



紅牕怨

啼鶯喚起紗牕夢紅日滿簾花影弄翠屏香字冷薰爐  
羅衣疊損金泥鳳去年君去燕歸時今日燕來君未歸  
欲把相思挑錦字夜寒懶上鴛鴦機起來翠袖雙羅薄  
東風滿地桃花落

漁父

輕舟一葉一輕篷上有蕭蕭鶴髮翁昨夜不知何處宿  
月明都在笛聲中

春晚呈范石湖

風日蕭蕭雨鬢華  
倦尋銀筆賦餘霞  
五更枕上無情雨  
三月風前薄命花  
春困有時因病酒  
客懷何日不思家  
年來事事心情懶  
惟有歸耕策最嘉

上元小亭

靖康詔令文章種  
桐邑公侯國老家  
種得人間桃李滿  
春風無地不開花

石頭城

離離芳草滿吳宮  
綠到臺城舊苑東  
一夜空江烟水冷  
石頭明月雁聲中

天上月

春水一片淨無瑕  
萬里清光遍海涯  
欲與常娥移桂樹  
月中先合種梅花

春日

沉沉芳酌動金波  
笑引疎梅泛玉荷  
幾度天寒歸雁少  
一番風雨落花多  
功名好在知心懶  
富貴重來柰老何

烏雀數聲傳喜語梁間燕子亦能歌

江南曲

我家江南同野老自紡落毛采蘋藻清風滿袖讀離騷  
半畝幽畦種香草門前流水鳴濺濺日暮歸來自刺船  
遙山數疊作媚嫵落日斷霞明晚川雨餘汀草漲新綠  
紅衣濕盡鴛鴦浴採蓮女兒何處來唱我春風湖上曲  
瓮頭酒熟方新篘白魚如銀初上鉤呼兒洗杓醉明月  
酒酣更作商聲謳

鴻門宴

江東遙遙八千騎大戰小戰七十二劉郎曉鞭天馬來  
蹙踏長安開帝里子嬰已降降準公君王置酒鴻門東  
張良已去玉斗碎三月火照咸陽紅繡衣歸來日將夜  
可惜雄心天不借當時乙失范增謀尚引長戈到垓下  
刁斗乍急營壘驚夜深旗尾秋風橫玉帳佳人不成夢  
月明四面聞歌聲拔劍相看淚如雨我作楚歌君楚舞  
明朝寶馬一聲嘶江北江東皆漢土

玉斗歌

漢高帝真英主也其入關則約三章封府庫  
子女玉帛畧無所有秦人歸心焉不待白蛇  
赤帝老嫗夜哭然後知為天命彼姁姁項羽  
欲扼其喉而困之難哉鴻門之戰沛公亦幾  
危矣項莊舞劍項伯翼蔽沛公得從間道以  
歸獨使張良謝羽羽受其璧此亞父知其為  
勇所以慨然碎其玉斗也感之作歌

漢兵咸陽未休舍楚王長歌到戲下項伯夜入張良營  
沛公倉皇出城謝自言戮力共攻秦不意入關成此勲  
閉關籍民備他盜盡封府庫待將軍項莊拔劍項伯起  
漢楚興亡在今爾鴻門壯士斬關來慷慨一卮誰懼死  
君不見秦亡鹿走驪山傾四方盡起諸侯兵龍顏隆準  
泗上長天之所授誰能爭英雄肯落他人手獨遣謀臣  
談辯口君王間道却歸來滿地杖聲鳴玉斗

吳門行

吳歌婉婉清如水西風曉自闌門起雙橈艇兮採菱來  
翠葍綠濱香十里芙蓉影落已知秋濺濕羅衣眉黛愁  
回聲蕩槳入門去明月家家秋水流

客去

送客歸來月滿簷梅花微笑隔疎簾酒醒今夜銀屏冷  
沉水薰爐旋旋添

哀友人

案成歌舞小春嬌何事春隨草木彫從此巴江江上月



有人和淚獨吹簫

聞笛

誰將玉笛按涼州  
吹徹春風不下樓  
若道聲聲都是恨  
不知消得幾多愁

小亭

芳草萋萋怨未歸  
西池殘夢要題詩  
綠牕昨夜東風小  
開遍梅花第幾枝

題飛雲閣

一笑歸來春尚寒  
小梅飄盡雪初殘  
遲遲更待梨花月  
醉倚飛雲十二欄

立秋日

亂鴉啼散玉屏空  
一枕新涼一扇風  
睡起秋聲無覓處  
滿階梧葉月明中

欽定四庫全書

江湖小集  
卷九十

七

江湖小集卷九十